

學

生

潮

中華民國八年六月初版



編校
輯閱
兼者

發行
者

印刷
者

寄售
處

學生潮兩冊

實價銀肆角

競民
無求
敬上
杏紅
欣之

梅溪
上海西門蓬萊路
學生營業所

吳承記
上海九畝地
印書局

寰球中國學生會
上海靜安寺路

各大書坊

學生潮卷下目錄

學潮經過(續卷上)

滬校愛國潮

大同學院

復旦公學

南洋路礦學校

工業專門學校

約翰太學

滬江大學

同德醫學專門學校

同濟醫工學校

中醫專門學校

中華工業學校

神州法政專門學校

震旦學院

圖畫學校

中華美術學校

目 錄

省立第一商業

南洋中學

浦東中學

民立中學

省立第二師範

兩江公學

青年會中學

中國體操學校

青年普益社

麥倫書院

梅溪小學

務本女學

愛國女學

城東女學

勤業女師範

神州女學

民生女學

聖瑪利亞女校

廣州

集會

學生大會

追悼郭烈士

護國團

游行

山西

學生罷課宣言

保定

學生罷課宣言書

留學界

留日學生全體公電

留日學生代表上大總統書

東京拘捕中國學生情形

留日學生被捕報告書

無錫

中等學校罷課宣言

河南

國民大會

學生聯合會

安慶

集會

罷課

罷課後之憤慨

罷課之宣言

宣言

第一中學自行解散

蘇州

罷課

罷課時之通電

罷課後之情形

罷課後之辦法

宣言

教職員聯合會宣言書

江蘇省立第二女師範學生宣言
奉天

取締學生之嚴酷

學生會再接再厲

蕪湖

學生聯合會宣言書

學生聯合會上書教育廳

南昌

學生聯合會

遊行警告團

女學生之愛國熱

政府對付

嚴令壓制

法庭傳詢

校長辭職

部長解綬

曹陸談過

曹汝霖辭職呈文

陸宗輿辭職呈文

陸宗輿辭幣制總裁書

封禁日報

民意勝利

日使抗議

抗議原因

照會措詞

抗議結果

各界贊助

滬商罷市

在野公論

師長呈文

學潮評論

學生愛國風潮之西論

西報評學界風潮

五四運動的精神

北京學生之示威運動與國民之

精神的潮流

學生無罪

學生示威感言

奮鬥

犧牲之勝利

教育之精神復活

青年之新精神

學生何罪

國人皆曰不可

箴青年

對於學生聯合會之希望

責任之自覺

青年之自覺

結論

跋

▲學潮經過（續卷上）

滬校愛國潮

大同學院

▲宣講 大同學院學生罷課後。對於印發傳單。調查中日商品宣講等事。進行愈力。每團分組進行。調查團首至各大書局各工廠調查一切。歸後卽印發報告傳單。團所印之傳單。大都由學生寄至內地。藉可風行全國。宣講十人團甲組張峻等。其赴外埠講演者。則有鄒光啓吳韶陳維樸（赴徐州蚌埠）謝承炯（赴靖江）等。餘尚有義勇隊之發起。尙在進行中。

▲被捕 大同學生於五號十時許。在西門外宣講之時。被警察捕去學生蔣乃煊一名。旋於下午一時餘。該院學生鄒光啓。在小南門外一帶宣講。又被巡警逮捕學生吳棣。丁文治。王競吾。戚毓芳。葉宗武。張宏。陸斌。諸葛楓。余翔九。宋長祿。朱賢。吳韶。李光濃。陳維驥。楊華胤。孫立人。劉斌。劉仲篋。陸振軒。吳方。楊遠瀾。盛毅功。周世安。繆德曾。曹邦銓。潘誦林。沈寅渠。曹強。盧寶賢。張務遠。余中楫。葉中愷。潘念祖。王家楨。任傳銓。等三十六名。

▲函電（上略）昨日因散佈傳單與演講。同人等三十餘人。先後被警士干涉毆打。當時情形。已略

學

生

潮

載各報。維其中詳細情形。尙有非外人所知者。特述之於下。先是上午十一時。同學蔣乃煊君。因散佈傳單。在南市董家渡被捕。解至警察總署。同人等聞悉後。憤急異常。當即議決。不因警察干涉而中止講演。立由講演團員曹強君許式已君等。合團員三十餘人。毅然出外演講。詎料鄭君光啓。正在警廳右門旁振鈴宣講之時。卽有大隊警察。密佈警廳。禁止來往行人。如臨大敵。俄卽由一著綠色制服之巡官。率隊至講演處。不問情由。橫行干涉。同人等不之許。彼等卽以野蠻手段。驅逐拳打。無所不至。並出刺刀相向。以致同人等受傷者頗多。當時擁立道上。目覩情形之同胞。莫不潛潛淚下。爲同人等痛惜。而恨彼警察之全無心肝。同人等既手無寸鐵。維有高呼（同胞請看警察打愛國學生）聲震全市。而警察毆打學生亦愈烈。同人等勇氣愈壯。呼聲益高。後經司法科長出而調停。請同人等進廳少憩。慰問有加。徐廳長後亦來。並出督軍省長等公文。表示歉仄之意。廳長頗中時病。維謂學生舉動。全係被人指使利用。同人等絕對否認。當由鄭君光啓力辯其非。陳明種種理由。證明學生舉動。純出於自動的良心的。廳長仍持前說。謂暗中操持學生者。大有人在。不知何所據而云。又謂罷課罷市等舉動。與日人無損。尤非的論。蓋此次罷課罷市罷工。不在於抵制日人。而在於對待吾國根本之政府。促其覺悟。懲賣國賊。以清亂源。此意同人等本擬向廳長申說。以明是非。奈廳長不待同人等發言。已望望然告別。同人等有意莫伸。深引爲恨。後經二小時。始與同學蔣君及南洋中學學生六人簽名而出。

夫警察學生。同爲中國國民。學生愛國。而警察干涉之。毆擊之。視若大敵。是誠何心肝乎。藉謂職守所在。不得不爾。然亦當和平對付。勸解可矣。何用武爲。況我輩舉動。已有公論。警士不知之乎。知之而故與我輩爲難。是誠何心哉。是誠何心哉。昨日各校學生及工商界諸君子。聞同人等被捕事。爭來慰問。同人等不勝感激道謝之至。茲將事之顛末。述之如此。卽請各界鑒察是幸。

▲刺血上書。學生張宏君。字輔國。江蘇如皋人。終日爲國事籌畫。如狂如癡。忽乘宿舍無人。割開左手姆指及食指。瀝血寫上大總統書一篇。原書錄左。

大總統鈞鑒。日本蓄志吞併中國久矣。近更挾持和會。奪我青島。曹汝霖章宗祥等諸賣國賊。暗相勾結。盜賣國土。生不知該賊等是何心肝。亡國之後。全國同胞。皆爲牛馬。爲奴隸。獨政府諸公。不爲牛馬。爲奴隸乎。凡我編氓百工。皆不願爲奴隸。爲牛馬。而執政諸公。必欲使之爲奴隸。爲牛馬。嗚呼。天乎。天生觀察形勢。知中國將不可保存矣。中國將永墮十八層地獄矣。國亡則全國同胞。皆將滅絕。豈執政諸公之子孫。獨不滅絕乎。大總統總領萬機。職任重大。宜如何挽救我國家。使不致傾覆乎。對於此次日本橫暴之要挾。如何毅力堅持。以圖補救乎。對於賣國諸賊。如曹汝霖章宗祥輩。宜如何尊重民意。付之典刑乎。生願死。不欲爲亡國奴。作倭奴之奴隸牛馬。執政諸公。或有此面目。生不能受此奇恥大辱也。今者生一息尚存。特刺手血書。陳情於我大總統之前。伏望我大總統力爭領土。誅除國賊。國

家幸甚。學生幸甚。學生張宏叩。

▲追悼。中學科學生郭靖君（字宇安江西吉安人）平日學業精勤。夙抱救國之志。本屆國民大會。君適抱病。卒以愛國心切。毅然赴會。奔走過勞。加以天氣炎熱。歸後病勢驟劇。並聞章賊未死。愈形憤懣。卒致醫藥罔效。於十二日逝世。同學痛君爲國而死。開會追悼云。

復旦公學

▲勸告商人。

復旦調查部致冠華大東製帽公司書云。寶號主人暨執事先生台鑒。逕啓者。據本部

調查員。前日報告。謂寶號所售之番布帽及草帽。近三四日內。價錢頓漲倍蓰。邀德之下。驚駭莫名。適者抵制日貨風潮。繼長增高。學界倡議。商界一致贊同。果能萬衆一心。堅持到底。誠不難制日人死命。惟抵制之法。首在提倡國貨。國貨廣銷。日本貨物自必無人購買。寶號開設海上。歷有年所。貨真價實。人所共知。亦本部同人素所欽佩。今以日本草帽爲滬人屏棄。寶號乘此時機。破壞同人抵制之宗旨。貪圖一時之大利。不顧後日之隱憂。行見日本草帽。又將銷售於商場。抵制恐成畫餅。於寶號亦有所不利。日本貨物不可謂非價廉。值此抵制聲中。不惟國貨不能漲價。且須平價出售。方可望收抵制之效。寶號既爲上海帽鋪之領袖。理宜推廣國貨。爲商家之模範。同人等不揣冒昧。剴切直陳。自今以往。務乞同心救國。恢復原價。庶不致阻滯國貨銷場。若再迷而不悟。同人等惟有勸告各界。勿購寶號貨。

物至其時悔已無及。此並非同人等故意與寶號爲難。實出於萬不得已之苦衷。執事其熟思之。倘蒙採納。幸卽裁示。俾登諸報端。極力褒揚。並可藉以鼓勵各家之商店。寶號聲名。從此當揚溢於海內也。專此布達。祇請籌安。學生聯合會復且分會調查部啓。六月一日

南洋路礦學校

▲組織分會 霞飛路南洋路礦學校。自上海學生聯合會總會成立後。亦卽組織一學生聯合分會。其宗旨亦以總會之宗旨爲宗旨。並舉定各項職員。又按照聯合會決定罷課之議。全體學生二百人。一律罷課。並往西門公共體育場宣誓遊行。該會長余冢溥君。曾召集全校學生會議。罷課後積極進行之方法。並報告聯合會情形。茲將其議決辦法列下。(一)組織義勇團。(二)組織演講團。(三)組織分會評議部。(四)組織印發傳單團。又聞該校罷課後之秩序。全由學生自行維持。每室舉出室長一人。辦理一切。

▲宣講 自罷課以來。對於一切進行方法。除幹事交際調查等部外。如演講團評議糾察文牘等部。及義勇隊。均相繼成立。而報名本埠演講團者。尤爲踴躍。四號下午得天津急電後。該校卽印發傳單二千餘。四出傳散。商界罷市後。該校又派三隊出發演講。聞者莫不動容。第三隊方進城時。卽由童子軍報告大同學院宣講團被捕二十餘人。該演講員聞信後。卽往該院詢問。始知已放出。因時已晏。不

克演講。遂歸校。

工業專門學校

▲罷課後之情形。南洋公學學生分會。早經成立。於二十六日。按照聯合會宣言書。全體學生六百餘人。一律罷課。並往公共體育場宣誓遊行。二十六日晚開職員會。討論罷課後之進行。其議決案如下。(一)分會中設四大部。曰義勇隊。宣講團。調查部。編輯印刷部。每人至少須入一部。(二)每班舉糾察員二人。諸糾察員另組成一糾察部。公推糾察長一人。副糾察長一人。其章程由部中自定。責任如下。(一)點名。(二)維持秩序。(三)查察同學之職守。(四)管理同學之出校入校。(五)無論何人出校。應先向糾察部請假。(六)罷課期限終結時。糾察部立即解散。(三)每日點名四次。早飯午飯晚飯晚間九點半。(四)同學中有放棄責任。違背規則者。應由糾察部報告會長。分別懲戒。懲戒之法。分罰金與宣佈姓名兩種。(五)罷課後之日程如下。六時起身。六時半至七時二十分。全體兵式體操。及柔軟體操。七時半早餐。八時至九時自修。九時至十一時大禮堂開會。報告總會情形。及同學自由發表意見。並請校內教員校外名人。賜有價值有實益之演說。十一時至十二時讀報。十二時午餐。一時至五時。四支部各行其事。五時至六時休息。六時晚餐。七時至九時半自修。十時熄燈安寢。

▲創章宗祥學籍問題。同學會開第一次新董事會於江蘇教育總會。到會者為沈叔遠黃任之等。

抒齋王培蓀等提議事件甚多。其最關重要者。卽提議處置章宗祥一案。茲擇得該會擬致各同學徵求意見書。照錄如下。敬啓者。同學邵君仲輝來函。章宗祥現爲全國學界所共棄。章爲本校舊學生。鄙意宜由本會卽日宣佈。不認其爲同學會會員。倘能於校中鑄像懲奸。尤足風示全國。敬希公決施行等語。又同學鮑卅人來函。報載駐日公使章仲和。籍隸浙省。茲因媚日。干犯衆怒。先後由浙同鄉會。及其家族驅逐出籍。查章仲和學籍。亦隸母校。應請會中迅將其學籍削去。並登報聲明等語。茲由五月二十五日董事會議決。將邵鮑兩君來函。通告全體同學。徵求意見。用特具函奉告。敬請卽日賜復。以便彙集各同學來函。再行討論。

約翰大學

▲宣講團。聖約翰大學宣講團。係由學生自由報名組織。現有講員百餘人。共分八隊。大中學八班。每班爲一隊。以人數甚多。每隊又分爲組。每日至少有八組出發宣講。講員約三十餘人。已經宣講地點。如南翔、黃渡、龍華、真茹、北新涇、樊王渡、曹家渡、靜安寺路等處。講員執有旗幟。上書約翰大學宣講團某隊。以爲表識。

▲中學部宣言。上海學生聯合會之成立也。所以聯絡學界之聲氣。堅作外交之後盾。其用意至完美也。敝校本總會之宗旨。爰於月之二十六日設立分會。督促進行。以盡區區之職志。同人不敢不敏。謹敢

學

生

潮

告吾同胞曰。南北和會。分崩離析。內亂既未能平。歐洲和會。強鄰逼我。外交又遭失敗。吾初謂內亂之憂。甚於外患。今方謂外來之患。急於內憂。何則。山東吾之行省也。青島我之領土也。他人不得而侵奪之。詎知鷹瞵虎視之日本。竟藉口於膠州之役。驅逐德人。若應繼承德人一部份之權利。查國際公法。我國自對德宣戰。凡爲敵人侵佔之地。自當由吾直接收回。而日人復欲堅持種種特權。不肯還吾青島。是失山東一省。害猶小。其關係國家存亡。害滋大也。噩耗傳來。斯用痛心疾首。竊維天下興亡。匹夫有責。際茲國家危急存亡之秋。正國民臥薪嘗膽之日。吾輩學生。梗於親日派之主張。甯犧牲學業。奔走呼號。急謀相助。用是設茲分會。藉以鼓勵同胞。務望協力同心。驅除國賊。保吾邊陲。愛國君子。其有感於斯言乎。當急起而直追也。

▲中學出校生宣言 外交失敗。舉國痛心。我學界本國家存亡匹夫有責之義。聯合罷課。以籌救國。情迫心苦。豈得已哉。同人亦學界一份子。此次退學。本因國事。是非曲直。聽之公論。惟身雖離校。而救國之責仍在。焉敢自棄。用特於六月三號全體加入上海學生聯合會。庶幾得以稍盡天職。區區寸衷。祈共鑒之。

滬江大學

▲罷課

此次上海學生聯合會表決罷課。該校亦一致主張罷課。各生將所有日貨堆積草場。當衆

焚燬。以表示抵制日貨之決心。

▲分部情形。滬江大學自罷課以來。計分宣講、調查、編輯、販賣、幹事、財政六部。每人必須入一部辦事。宣講部分十二隊。輪流往浦東、江灣、楊樹浦、引翔港等處。調查部分六隊。輪流往附近各鎮。調查國貨與日貨。販賣部販賣國貨。編輯部編輯愛國圖畫、歌、劇、團。練習亡國慘劇。預備往各處演劇。幹事部分校內外二隊。校外部代各部出外辦事。校內隊代編輯部寫印等事。

同德醫學專門學校

▲組織分會。同德醫學專門學校。自加入學生聯合會後。遂成立分會。會內分演劇團、交際部、評議部、編輯印刷部、紅十字會隊等。演講部共分四組。每組十人。紅十字會隊計分四組。(一)治療組。(二)崩帶結紮組。(三)抬架組。(四)看護組。該校職員江逢治及陳一龍諸博士等。均贊助一切。聞某日聯合會於西門外體育場行宣誓禮時。該隊曾前往担任救護云。

同濟醫工學校

▲通電。致北京大學並轉各學校電云。曹、章、斷送國權。公等示威抵抗。發揚民意。遐邇傾向。敝校同人。誓為後盾。努力同進。禍福願共。政府橫加摧殘。應再接再厲。非達挽回之目的不止。謹聞。同濟醫工專門學校學生齊。

▲組織救護隊。醫科教職員學生在寶隆醫院組織一救護隊。命名同濟醫工專門學校救護隊。與全國學生義勇隊一致進行。隊長江逢治博士顧問長黃勝白。庶務員谷鏡沂。趙之仿。陳綸。會計翁之龍。張仲明。書記曹沛。張寶。顧寶璣。輸送部長金毓章。輸送員丁道生。鄒祥璋。朱慶墉。陳元喜。魯斐然。李相琳。王功。李九朝。宋瑄生。朱仁芳。單譽。梁潔英。鄭河先。陳雨亭。吳熙魯。閻彙銘。袁釗。傅于紹慶。周瑞珽。汪名孝。韓法周。高耀英。沈毓真。醫務部長馮宜鵬。醫務員曾照。翁之龍。任洵。唐浩。傅焱。傅緒。徐文樞。沈樹寶。王味根。沈衡書。李宜果。盛濟齡。鍾尙友。趙昌。藥物部長王宗汾。藥務員吳憶初。金部洪。顧祖仁。顧寶璣。陳作紀。陳作繩。曾立羣。許重五。劉慶餘。教練部長江逢治博士兼任。

中醫專門學校

▲宣言。風雨飄搖。國家多難。中原有板蕩之憂。神州抱陸沉之歎。斯民夢夢。梁燕興悲。外患憑陵。亡無日矣。雖墨淚素書。多驚心而觸目。非狂呼痛語。難振聵而發聾。自宜相輔而行。並進不悖。調三寸不爛。作五夜鐘聲。宵痛哭流涕於父老兄弟之前。莫箝口結舌於牛馬奴隸之日。此同人區區之。誓守勿渝者也。但是才力薄弱。限於一隅。勞不能面命耳提。家喻戶曉。則感化未週。終有遺憾。所望血性青年。熱腸志士。宏暢斯旨。共樹先聲。作警世之哀詞。以現身而說法。精誠所至。金石爲開。日月無間。明効可觀。同人不敢。願揮塵以尾諸君之後。雖力竭聲嘶。無悔也。謹此宣言。

▲宣講 該校自聞津電。羣情憤激。不可復堪。卽於該日下午三時。趕印津電原文。出外分佈。晚間宣講團全體出發。分途宣講。雖被巡警勸阻。然其氣終不稍屈。茲因罷市之際。地方治安所關甚大。故連日招集常會。由會員手執白旗。上書切勿暴動。對待文明等字。分排出發。隨處演講。謹守文明之必要。以維局部之秩序。並攔救急痧藥。以備道路暑病之不測。

中華工業學校

▲不忘國恥 中華工業學生分會。現定章程。於每日會食時。先由一人致警曰。爾忘國恥乎。則羣應曰。不敢忘。然後就食。以示雪恥之決心。

▲致商界同胞書 敬啓者。此次外交失敗。全由於我國人之萎靡不振。復有二三賣國者。狼狽其間。強鄰遂謂我政府可籠絡。我國民不足畏。強施其利誘威逼之妙腕。期遂其鯨吞蠶食之野心。嗚呼。青島去而中國危。餉糠及米。戴胥及溺。吾輩無噍類矣。學生等徒有熱誠。愧乏實力。不得已犧牲其寶貴之光陰。冀邀當軸萬一之矜憐。於是而有聯合罷課之舉。承蒙先生原其曲衷。不加譴責。足徵愛國之誠。人所同具。近來抵制日貨之聲。遍於全國。諸先生具救國之實力。持堅毅之精神。尤足以塞奸邪之膽。而振強鄰之魄。惟竊有進者。無形式上之表示。不足動政府矚目之聽。吾人飲泣。政府酣歌。似非所以救燕幕魚釜之危。尙幸諸先生亟圖之。